




## Атоқли шоиримиз Мұхаммад Юсуф таввалиуд айёми кенг нишонланди



Андижон шаҳридаги Алишер Навоий номли маданият ва истироҳат боғининг ёзги амфитеатрида Ўзбекистон халқ шоири Мұхаммад Юсуф таваллудининг 65 йиллиги муносабати билан “Улуғимсан, Ватаним!” шиори остида гала-концерт бўлиб ўтди.





Унда иштирок этган Олий Мажлис Сенати аъзоси, вилоят ҳокими Шуҳратбек Абдурахмонов Андижон фарзанди, миллионлаб қалбларни ўз шеърлари билан забт этган забардаст шоир ҳақида фикрларини билдириб, у кисқа давр яшаган бўлса-да, ўзидан катта мерос қолдирганини қайд этди. Бугун нафакат Андижонда, балки бутун республика бўйлаб унинг хотирасига бағишиланган тадбирларнинг ўтказилаётгани бунга яққол мисол бўлишини таъкидлади.

Сўнгра вилоят раҳбари муҳтарам Президентимиз томонидан илгари сурилган 5 та муҳим ташаббус бўйича амалга оширилаётган ишларда фаол иштироки, бетакрор истеъоди ва қобилияти ҳамда намунали хулқи учун вилоятимизнинг бир гурӯҳ илгор ўкувчи-ёшларни фаҳрий ёрлиқ ва эсадалик совғалари билан тақдирлади.

Гала-концерт “Ниҳол” давлат мукофоти совриндори Элдор Фулом ижросидаги “Биз, сизни соғиндик, Мухаммад Юсуф” номли қўшиғи билан бошланди. Сўнгра “Ниҳол” давлат мукофоти совриндорлари Рўзихон Нурматова, Раҳшона Кўзиева, хонандалар Умида Абдурасурова, Иззатбек Хўжаев, Махфузा Маниязова, Қобилжон Темиров, Нилуфар Каримовалар Муҳаммад Юсуф қаламига мансуб шеърларига басталangan куй-қўшиқларни ижро этдилар.

Гала-концерт Ўзбекистонда хизмат кўрсатган артист Севара Назархон ижросидаги “Улуғимсан, Ватаним!” қўшиғи билан ўз якунига етди.